



CHEJB'ANIL :: - |::

WA'NEB'ALB'AHIL

CHI'ILLONTOJ JATXWAL, JOWAL YIN ANIMA,
STXONLE K'AL CHIYUN YILLETUJ ANIMA YIN
SPEENAHIL, MAYETNELE.

 Akateko

WA'NEB'ALB'AHIL CHI'ILLONTOJ JATXWAL, JOWAL YIN ANIMA, STXONLE K'AL CHIYUN YILLETUJ ANIMA YIN SPEENAHIL, MA YETNELE.

CHEJB'ANIL ∷ - |0∷

JA JUN SB'ULANIL ANIMA YET STXOLILAL
YAAWIL YUL KONOB' XEEQ'A

YU:

Tol ja' jun wa'neb'alb'ahil yul konob' Xeeq'a chiyala' tol sjowalil chi'illetoj k'al ya'lle yalon yet yin stza'ajanil q'inale; junoj tzetal chi'etnentoj sq'inal yin smimanil, yin snaab'al k'al yiille'eytej yipalil sq'inal yuxan tol sjowalil jeb' yaawil konob' Xeeq'a' yiilontoj sq'inal yalon yet jeb' anima, sb'ejanil jeb' k'al watxil chiyun yilletej jeb' yu yaaw, jaxka tu chimitx'cha'ok tukanoj chi'iile'el ma chitoolaneli stujanil jowal yin sq'inal jeb' winaj unin, ix unin, ache ma q'opo , ix ix, ma jeb' yin jeb' anima eehok syaab'il ma yin jeb' ichamxa sq'inal.

YU:

Tol ja' yaaw yet konob'Xeeq'a' chi'aloni tol sjowalil chitzeyli'el jun tzet chiyun yilletoj anima, jatonwal jeb' ix ix k'al jeb' unin, tol ja' chi'a'on stz'ajanil syamanil sb'ulanil yet miman konob' yilontoj sya'ilal chi'uhi'el xool konob' yuxan ja' yochb'en tol chistz'eyelobj k'al k'exb'antobj sq'inal anima yin swatx'ilal yuxan tol chi'ok yin stxolilal yulaj konob' jaxka tu' chib'utcha'el jun jowal yin sq'inal jeb' ix ix, keypaxk'altu' chistoolanen jeb' chi'ok smultu' yet watx'chi'ok yin stxolilal yalon yet anima.

YU:

Tol ja' yaaw yet konob'Xeeq'a' chi'aloni stujanil wanojxa sb'ulanil mitx'q'ab'e jaton: waanaab'ale | ÷ : yet sb'ulanil anima yulaj konob' chimulna yin " seyon yil sya'ilal katu' chiseyon yil tzet chiyun yiile'elobj". waanaab'ale | ÷ : yet sb'ulanil anima yulaj konob' chimulna b'isil : ÷ k'al | | chiyal yin wan kaab'ti' mulnahil iptzeb'il k'al jun chi'alon yin yalon yet jeb' unin, yu tol ey b'ey chitxonle jeb', ma chichejle txonle smimanil jeb', ma yechel jeb' yet k'am spichil jeb' eehokobj, yuxan tol sjowal jun juun ti'

YU:

Tol sjowalil katu' kaw miman yelok-apnoj chi'ok jun wa'neb'alb'ahil ti' yu tol ja' joj'ilon tzet chiyun steynele'anima yin sq'inal, jaxkatonta' yin sya'ilal, jowal yin sq'inal jeb', yin smulnahil, yin b'ey chi'ekab'i, yin nupil iptzeb'il, yin yet chitxonle smimanil ma junojxa stujanil ya'ilal chi'ok yin mulehal yulaj konob', jaton wanti' sjowalil chi'a'le junoj yanil yin eymanil yu jeb' yaaw yet jun jun konob' chi'ok il yib'antoj wan jowal ti'

YU:

Toj ja' konob' Xeeq'a' chiya' sti' jun sb'ulanil konob' chi'illontoj sq'inal yalon yet jeb' unin, toj junti' chi'illontoj skawxinajil jun wa'neb'alb'ahil yet jaxka tu' chi'illetoj sq'inal jeb' ix unin, winaj unin, ache k'al q'opo jaxka tu' k'am jowal chiyil jeb' yin sq'inal k'al yin stzajanil sq'inal

YU:

Tol jun Sb'ulanil wa'neb'alb'ahil chi-ilontoj jowal k'amxa chitzajij'aj yilon sya'ilal jeb' yin sq'inal jeb' unin yuxan tol sjowal chikawxi'aaj jun wa'neb'alb'ahilti' yilontoj etnek'ulal, jowal, sya'ilal yin jeb'.



YUXAN TOL:

Chi'ok yin stx'olilal jaxka tzet chiyun yalon b'ey xijan |::|| yul jun
sjuunal wa'neb'alb'ahil yet konob' Xeeq'a' chiyaaheltej jun

CHEJB'ANIL

**WA'NEB'ALB'AHIL CHI'ILLONTOJ JOWAL YIN
ANIMA, Q'ANB'ANILE K'AL CHIYUN YILLETJ
ANIMA.**

► SB'I •

YOKB'ANIL B'EJANIL WA'NEB'ALB'AHIL

Xijan . Tzet chiswa'ne k'al yochb'en jun wa'neb'alb'ahilti'. Jun Wa'neb'alb'ahil ti', yochb'en tol chitz'elle'el, chitoolaneley k'al yiile'el jun jowal yin anima, q'anb'anile k'al chiyun yilletej anima, yilletej, steyneli tet wan skajat tu' k'al watxi'ok yin jantaj sya'ilal x'ok yin.

Xijan . : Swatx'ilal Stujanil swatx'ilal sjichanil jun wa'neb'alba'hil ti' wan ti'.

- **Yewanil.** Chisteyne yewanil k'al stz'ajanil sq'inal jeb' anima chi'ek' yalan sya'ilal yet jaxka tu' chi'ewchakan'ey stujanil aab'ix yib'antoj sya'ilal jun anima tu'.
- **Teyneli yin yelalil.** Tet smaasanil jeb' anima kaw chi'ek yalan sya'ilal sjowalil chiteyneli yin jun juntaj jaxka tu' k'amk'al tzet chi'iion jeb' katu' chi'ok yin stxolilal yalon yet jeb'
- **Chi'ok sya'ilal yin yet skaahel:** yin stujanil tzet chiyal jun wa'neb'alb'ahil ti' sjowalil chistenel smaasanil sya'ilal chi'ok yin smimanil, snaab'al jun anima tu'
- **Watx'ilal yipalil naj unin k'al ix unin:** Yin smaasanil tzet chi'uhi yin sq'inal jeb' yalixhto sq'inal sjowalil eehaj yip swatx'ilal yet naj unin k'al ix unin, tol jawal kaw chi'illetej sq'inal xool konob' ya'le swatx'ilal tet yin yalon yet jeb' unin tu' k'al yok yin stxolilal stujanil tzet chi'alle yin sq'inal tu'

- ***K'an chi'intajneli'el:*** k'amk'al majtxekel chi'intajneli'el yin sya'ilal chiyila' tol smaasanil jeb' chi'illetoj yalk'al tzet yili jun sya'ilal tu', tak'al ix ma winaj, yalixh unin, ache ma ichamxa sq'inal, skuyb'anil ma junojxak'al tzet yetal sjowalil chi'illetoj.
- ***Yalon yet ya'on snaab'al yin yamb'ab'ahil:*** ja' snaab'al k'al yochb'en jeb' ek'naj yin sya'ilal sjowalil chiq'anle'ab' tet jeb tzet schi jeb' yib'antoj junoj naab'ale jaxka tu' k'am sya'ilal chiyil jeb' yet chiyab'en'okjeb' junoj q'ane katu' chi'illetoj jeb' jaxka yaab'ilal.
- ***Ehial tet chitx'oxon'eltoj jeb' yin sb'eyb'al:*** Sjowalil txekel ye yalon yet jeb' anima eknaj yin sya'ilal tu' yin sb'eyb'al k'al skuyb'anil yet chi'ok junoj q'anleb'al tet ma yet chi'oktoj sataj yaaw yu sya'ilal tu'.
- ***Aab'ix:*** smaasanil jeb' anima ek'naj yin sya'ilal tu' sjowalil chi'alle yab' jeb' aab'ix yibantoj yalon yet yin swatx'ilal eey yinlaj sk'ul k'al yilletoj, katu chiseyle smam stxutx k'al skonob' b'ey alinaj.
- ***Yochb'en yin sq'inal:*** smaasanil jeb' eknaj yalan sya'ilal chi'a'le wax'ilal tet jaxka yin sq'inal jaxka tu' chiyihel yin snaab'al speenahil uhi'el yin sq'inal katu' chi'ok ok yip sq'inal satajtoj.
- ***eymanil:*** Ja Stxolilal chiyal jun wa'neb'alb'ahil ti' tol sjowalil chi'ok yin stxolilal yin eymanil yin yelalil swa'txi
- ***ja yet k'am stxolilal yin yaab'ilal:*** ja yet k'am chisqe' yok yin stxolilal jeb' yalixh sq'inal eknaj yalan ya'ilal ma ey kaab'k'ulal yin jantaj yaab'ilal ma yelalil sjuunal.
- ***Yet chiwa'txi'ok yin yalon yet:*** yelalil wa'txi'ok yin yalon yet oknaj xiwilal, ma etneb'il k'al swa'txi'ok yin junelxa .

Xijan. :

Tzet chiyun snaacha'eloj k'al tzet chiyunsq'anley yetoj wanojxa wa'neb'alb'ahil.

Jun wa'neb'alb'ahil ti' sjowalil chiq'anb'enele yin numk'ulal jaxka chiyun yalon b'ey ey qalon qet yul an jun yet waamulnahil yetoj tx'ojtx'ojtaj konob' taq'eb'il yu konob' xeeq'a' yuxan tol ja' yochb'en iib'ilaaj yu jun wa'neb'alb'ahil ti'. Tol ja' smaasanil tzet chiyal jun an juun ti' sjowalil chi'ok yin stxolilal.



SB'I :

YAATZ'IB'AL JOWAL YIN ANIMA, Q'ANB'ANILE K'AL CHIYUN YILLETQJ ANIMA.

Xijan. ∴ *Yaatz'ib'al jowal yin anima, q'anb'anile k'al chiyun yillettej anima.* Jun ti' chiyi'sb'a yiihon b'ey yu jaxka skaab' sjolomehal yet konob' xeeq'a' tol jojmulna jaxka chiyun yalon jun laati' tz'ib' yeekanoj.

Naj aatz'ib' yet jun snaahil yaatz'ibal jowal tu' tol chejb'il yu skaab' sjolomehal yet konob' Xeeq'a'.

Xijan. | *Smulnahil aatz'ib'.* Jun Yaatz'ib'al jatxwal ma jowal yin anima, q'anb'anile k'al chiyun yillettej anima tol ja' smulnahil ti'.

- Yiihontoj sb'ulanil jeb' a'onnaab'ale k'al yalon mulnahil yet junjun snaahil mulnahil chi'iilontoj sya'ilal jatxwal ma jowal yin anima, q'anb'anile k'al chiyun yillettej anima.
- Ya'on sti' yet chiwa'txi junoj wa'neb'alb'ahil yu junjun snaahil mulnahil yib'antoj tzet chi'uhi'el yin q'inale.
- Swa'nen'aj k'al yiihon b'ey stujanil wa'neb'alb'ahil yib'antoj tzet chi'uhi'el yin q'inale.
- Swa'nen'aaj k'al yaahon'ok yin stxolilal sjuunal ma yiihon'atej sk'ul ya'on naab'ale yul mimej konob' ma yul k'al junojxa konob' yillettej winaj k'al ix, stujanil b'eyb'ale yul konob' Xeeq'a, k'al yaab'ilal, sb'eyb'al ma sti' maje y joj'apnoj jun ab'ix ti'.
- Yiihontoj sjuunal jun mulnahil ti' jaxka tu' chiya'st'i jeb' chi'iilontoj sq'inal jeb' unin k'al jeb' ach'e.

- Spoohon'el swatx'ilal yilcha'aj, seyle'il k'al tx'oxb'anile chi'ahon'ok yip jun jowal yin jatxwal ma jowal yin anima, q'anb'anile k'al chiyun yilletej anima, xool wan ti' k'al naab'ale chi'iiahonb'eyoj.
- Spoon'el ma yaahon'ok yin stxolilal waalati' yin kaab' ma ek'al naab'alehal jaxka tu' chiteynele wanojxa mimej naat konob'laj.
- Smulna'aj k'al yok yin stxolilal stujanil juun sjowalil yin sq'inal tzet chiyun yilletej jeb' anima.
- Yok sq'a'al sya'ilal ma jowal yootaj yin smulnahil tu'.
- Smulna'aj b'ey sjowalil chi'ok yin stxolilal kuyu, chischaale'ey sb'a yetoj jun chitz'eyon'el, jun chiteynen k'al jun chitoolanen jantaj tzet chiyal yul jun wa'neb'alb'ahil ti'.
- Yiihonb'ey mulnahil yetoj snaahil mulnahil yet yaaw jaxka tu' chikolwa'ok jeb' yetoj yaatz'ibal jowal yin anima ta chisq'an jeb'.
- Swatxi'aj sb'ulanil anima yiihonb'ey jun ti' yul stujanil mimej konob' yet xeeq'a' seyon jeb' naab'ale k'al ochb'en yetoj skolwal yaatz'ibal jowal yin anima.

► SB'I :

STZ'EYLE'EL, STEYNE'LE K'AL YILLETJ JEB' EKNAJ SYA'ILAL YIN SQ'INAL

Xijan. : *Stz'eyle'el.* Chiqab'ok yet chitz'eyle'el jaxka skawxi ma skolanil junoj majtxekel sb'utontan sya'ilal yin jowal yin anima, q'anb'anile k'al chiyun yilletej anima yet k'amto chiyun yin sq'inal jeb'.

Xijan. : *Steyneley.* Ja' titi' Kaw yin eymanil chiyilto jeb' yaaw ey yalon yet yin sya'ilal, ya'on swatxilal tet yiihontoj b'ey chi'ok yin stxolilal sq'inal anima jaxka tu' k'am chi'etnele sq'inal k'al yalon yet.

Jeb' yaaw ey yalon yet yin tol yijb'en jeb' yilontoj stxolilal ya'on swatx'ilal tet jun anima tu' k'al steynen jeb'.

Xijan. : *Yilletej.* Ja' titi' kaw yin eymanil jeb' yaaw ey yalon yet yin ya'on swatx'ilal tet junoj majtxekel x'ek sya'ilal, jatxwal yin smimanil, yin snaab'al jaxkatonta' tzet x'eetaxtoj yin sq'inal xool konob' k'al xool yuninal. Tol sjowalil chi'illetej jaxka ya'on yaabilal, ta ix ma winaj k'al sb'eyb'al.

Wan stxolila tzet chi'ilontoj tol sjowalil chisq'anle jeb' yab' ma yab'en jeb' snaab'al jun anima x'ek' sya'ilal tu' yin sq'inal. Sjowalil chi'illetej jaxka ya'on sq'inal ta yalixhto ma ichamxa.

Xijan. || Oknaj sya'ilal yin. Ja' smulnahil jun wa'neb'alb'ahil, chiyiltej tol junoj ma ek'aloj b'ulan anima ek sya'ilal yin sq'inal jaxkanton yin smimanil yin snaab'al, yuxhletoj sq'inal ma yintajnele'el yalon yet, jaton chi'ihontej skawxinajil yin wa'neb'alb'ahil ilomtoj jowal. Chi'illepaxk'altoj jeb' anima kawil yusb'a yetoj wan yilnaj sya'ilaltu' jaxka yet steynen jeb', skolon jeb' xool sya'ilal tu'.

Xijan. || Tol yalon yet jun anima eknaj sya'ilal yin sq'inal wan ti'

- Yewb'ali'ey snaab'al k'al yet smam stxutx
- Ya' wa'txoj'el sq'inal yin smimanil, yin snaab'al k'al yul skonob'
- Skaahi'ek yin numk'ulal xol yuninal k'al smam stxutx
- Yaale'ok naab'ale tet k'al junoj majtxekel chi'aahon'ektoj sti' yin junojxa ti'ehal yet chiteynele, katu' yab'en ok smaasanil tzet chi'alle tet yin sti' chiyala'.
- Yaale'ok naab'ale tet k'al junoj majtxekel chi'aahon'ektoj sti' yin junojxa ti'ehal yilletoj yul snaa steynele ma ya'le sq'axanb'al. Ja' tet jeb' yalixhto sq'inal jun miman snaahil wa'neb'alb'ahil yul konob' xeeq'a' chi'ahon'ok jun aati' tet jeb'.
- Skaahi'ek yul konob' b'ey chi'ilta tu' yet lalan yilletoj skawxinajil tu'.
- Yilletoj yin stzajanil jun eknaj xool sya'ilal tu'
- Steynele k'al yaale'ok yip wan yalon yet eetaxtoj tu'

- Wanojxa ey tet steynen sb'a yin watx' yin stz'ajanil yilontol yalon yet anima smaasanil.

Ja' wan yalon yet b'inale ti' tol tz'ajan jeb', k'am chiske' sb'utchatanoj k'al spoochatoj jeb'.

Xijan. :|| Skawxi'aaj yalon yet. Wan yalon yet jeb'chikawxi'aaj, steyneley ma ya'le tet, tol q'inale yin stz'ajanil, watx' q'inal, kuyu, junk'ulal xol yunil k'al smam txutx, yiihon snaab'al junelxa k'al stujanil swatx'ilal chiya' wa'neb'alb'ahil tet jeb' chi'ek sya'ilal yin sq'inal.

Xijan. :|| Yet chi'aale'ok sq'a'al. Ta ey b'ey xiwil ey sya'ilal kawil yeetej, ma chi'etneletoj q'inale ma yalon yet junoj anima, jun wa'neb'alb'ahil ti' kaw eymanil chi'ok sq'aa'al tet jeb' yaaw ey yalon yet yin. Jun sq'aa'al tu' tol chi'ok yin ewantaj.

Xijan. :|| Seyle'il maj chi'eltoj ma chi'oktej yul junoj konob'. Yet k'am sya'ilal xool waa'laati' yu junjun mimej konob' yet chi'ekkab' jeb' anima, jeb' yaaw chi'ilon yeltoj ma yoktej anima yu junoj konob' sjowalil chiyil jeb' wan ti'.

- Yaahon'ok jeb' yin seyon yil anima chi'eltoj k'al chi'oktej jaxka chi'ilchatej tzet chiyun yilletej anima yu wan peena snaab'al tu'.
- Seyon yil jeb' ta ja' sjuunal yin yel chiyiihekoj yet chi'ek yin sb'eel tu'.
- Seyon yil tzet ya'on sq'inal junoj yalixh unin ja' jun yetoj junoj icham winaj sq'inal ja' jun yetoj tu'.
- Spoochon'ek jeb' aab'i yin jaxka tu' jaxka tu' eyman chiyil jeb' majtxekel chi'aahon'ok ya'ilal tu' k'al yilchatej majtxekel eehoktoj xool jun sya'ilal.

Xijan. III Aab'ix tet snaahil mulnahil ey yalon yet yin. Ja yet jun yaaw yet b'utb'al jowal ey snaab'al yibantoj junoj sya'ilal chisb'inane jun wa'neb'alb'ahil ti' sjowalil chiyal jeb' tet jun anima chi'ek sya'ilal tu' yin tzet chiyun yilletoj k'al steylene.

Ta jun anima yalixhto yaab'ilal ja' jun yaaw yet b'utb'al jowal sjowalil chi'alon yin eymanil tet jeb' yaaw wa'newon'ok yin jowal yet unin k'al ache jaxta tu' chi'ok yin stxolilal steyleneley.

Ta jun anima tx'oj konob'al jeb' yaaw ey yalon yet yin sjowal chiyal yin eymanil tet jeb' yaaw yet jun konob' tu'

STXOLILAL CHIYUNSMELTZO ANIMA EKNAJ SYA'ILAL YIN YILLETJ.

Xijan. Y Stxolilal yalantoj.

Jeb' anima eknaj sya'ilal yin tol chimeltzo ey snaa yet xax wa'txi'ok yin stxolilal yetoj wan ey yalon yet yin yul skonob' b'ey allinaj tu', jaxka tu' chi'aaletaj b'ey wan jojteymentu'.

Ja' konob' Xeeq'a' chi'iihon b'ey stxolilal tzet chiyun smeltzo b'ey skonob' tu', sq'anon tet stuminal yekb'al tet jun konob' tu' yin swatx'ilal b'ey jojkankanoj.

Ja' yaaw chi'illontoj sq'inal jeb' unin k'al ache, ja' chi'iihon b'ey stxolilal tzet chiyun smeltzo jeb' yalixhto sq'inal.

Yin k'al stujanil ja' yaaw yet txojtxojtaj konob' yetoj junjun yaawil ya'on tet jeb' aakonob' Xeeq'a' eknaj sya'ilal yin yul junojxa konob' jaxka tu' chiyetnele yin watx' keyk'alpaxtu' chiyun yu konob' Xeeq'a' ti' b'ey wanjoj txoj skonob'.

Xijan. ∴ **Stxolilal chiyun smeltzoy.** Jun yaaw yet txojtxojtaj konob' sjowalil chimulna jeb' yetoj yet yaawil yet junjun konob' bey ey anima eknaj sya'ilal yin jaxka tu' chimeltzo jeb' yin stxolilal k'al yin yel jaxka yalon yet junjun jeb' yilletoj sq'inal jeb' jaxka yalon wa'neb'alb'ahil k'al stxolilal ya'on sq'inal yu jun sya'ilal tu'. Sjowalil chi'illetoj jeb' yin watx' q'inal yin smimanil k'al snaab'al. Sjowalilpaxk'al chi'a'le b'ey chikaahi'ek yu jun konob' tu'.

Ta kaw watx' yeehok yin stxolilal smetzo jun anima eknaj sya'ilal yin sq'inal yul skonob', kaw yin eymanil chi'aaletej k'amxak'al jonoj maj chiske' smitxon'oktukanoj. Ta eyjunoj anima ti' k'am sjuun ja' jeb' yaaw yet txojtxojtaj konob' chiwa'nen'ok yin sjuunal tu' yet chimeltzoy.

Xijan. ∴ **Yalon yet jeb' anima meltzo yul skonob'.** Ja' yaaw yet txojtxojtaj konob' sjowalil chiya' tet jeb' anima swatxilal yalon yet tzet chiyun meltzoy:

- a. Yijb'ale b'ey ma ya'le naab'ale tet yib'antoj jeb' anima chi'ek yul tx'oj konob'al, jaxkaton tet jeb'ey yalon yet yin.
- aa. Yaale'ok steynemal yin stz'ajanil sq'inal, k'al yin tzet chiyun yok yip smimanil, snaab'al jantaj anima eknaj xool sya'ilal tu' k'al yiile b'ey yu snaahil mulnahil b'ey chi'illetoj stz'ajanil q'inale.
- b'. Ya'le tet tzet chiyun sq'anab' yet yuninal k'al yetoj smam stxutx yul skonob' b'ey chikaahi'ek tu' jaxka tu' chi'a'le stzajanil tet.
- Ch. Yiile b'ey yetoj txojtxoj snaahil mulnahil chi'ilon yeltoj ma yoktej anima yul junojxa konob' tzet chiyun steynele yu skonob' b'ey chitita jaxka tu' chiteynele k'al yilletoj yet lalan smeltzo k'al yet chijul yul skonob' tu'.

Xijan. ∴ **Stxolilal chiyun yiile b'ey yetoj tx'ojtx'ojtaj snaahil mulnahil steynele, yilletoj k'al smeltzoy.** Ja' yaatz'ib'al chi'a'on swatx'ilal konob' yetoj yaaw yet txojtxojtaj konob' sjowalil chiyahok junoj yamb'ab'ahil, swa'nen'aaj, yaahon'ok yin stxolilal k'al seyon yil stxolilal chiyun smeltzo jeb' anima ek sya'ilal tu'.

- a. Stxolilal chiyun yiile b'ey yetoj tx'ojtx'ojtaj snaahil mulnahil yet chiteynele k'al yilletoj jeb' anima eknaj sya'ilal yin sq'inal.
- aa. Stxolilal chiyun yiile b'ey yetoj tx'ojtx'ojtaj snaahil mulnahil yet chimeltzo jeb' anima eknaj sya'ilal yin sq'inal yab'le tzet chiyala' k'al yochb'en yet k'am chimeltzoy.

▶ SB'I ∴

YIB'ANTOJ STOLANE YA'ILAL YIN JOWAL, Q'ANB'ANILE K'AL CHIYUN YILLETOJ ANIMA.

Xijan. ∴

Chi'oktoj xol jun b'isil ∴| Yet xijan ∴ ∴|| yet sb'ulanil wa'neb'alb'ahil chi'ilontoj jowal, chejb'anil ∴||| -∴ ∴|| yet sb'ulanil anima yet konob' Xeeq'a' chikankan jaxka ti'.

∴| Majtxekel chi'ijchakan yu sya'ilal jaxka chiyun yalon b'ey sb'i I k'al b'ey ∴.

Xijan. . ∴ Chi'oktoj xol jun b'isil |. Yet xijan | ∴| yet sb'ulanil wa'neb'alb'ahil chi'ilontoj jowal, chejb'anil ∴||| -∴ ∴|| yet sb'ulanil anima yet konob' Xeeq'a' chikankan jaxka ti' |

Yuxan yet chib'ey stoo k'u yib'antoj stoolanen smul jaxka chiyun yalon b'ey stujanil I k'al II yet sb'i yul wa'neb'alb'ahil chi'ilontoj jowal.

Xijan. ∴ ∴ Chi'oktoj xol jun b'isil ∴| b'ey xijan 108 yet wa'neb'alb'ahil chi'ilontoj jowal, chejb'anil ∴|||∴ ∴|| yet konob' Xeeq'a' chikankan jaxka ti' ∴|

Jantaj sya'ilal oknaj yin jeb' yalixhto sq'inal, chischahel yich yet chilaawi yin yaab'ilal.

Xijan. . ∴ Chi'oktoj xol jun xijan 150 yet wa'neb'alb'ahil chi'ilontoj jowal, chejb'anil ∴||| -∴ ∴|| yet sb'ulanil anima yet konob' Xeeq'a' chikankan jaxka ti'. " xijan ∴| ∴ yet chi'etnele jeb' anima yalixhto sq'inal. Majtxekel chiwa'nen junoj tzetal yin sq'inal jeb' unin, tak'al tol chistzu', chismaq'a' tawalpax ja' junoj ehok syaab'il yin smimanil yin snaab'al katu' chi'etnele yu junoj anima, tol sjowalil chitoo yul te' kaab' ma jooheb'oj aab'il.

Xijan. . ∴ Chik'exmo'aaj jun xijan 151 yet wa'neb'ahil chi'ilontoj jowal, chejb'anil :||| – ∴ :|| yet sb'ulanil konob' Xeeq'a', chikankan jaxka ti' xijan. ∴ ·|| B'onleb'ahil yin jow yaab'il yin sminanil yu jatxwal.

Majtxekel kawyootaj tol eehok yaab'il yin smimanil katu' chisb'onontoj junojxa anima tol sjowalil chitoo yul te' kaab' ma kaneb'oj aab'il. Tawalpax jun anima chib'onletoj tu' yalixhto sq'inal, ma ehok syab'il yin smimanil ma yul snaab'al tol chichib' stoolane yaab'ilal yul te' tu' kaab' ma oxeb'ojxa aab'il.

Xijan. . | Chi'oktoj xol jun xijan :| ·||| yet wa'neb'alb'ahil chi'ilontoj jowal chejb'anil :||| – ∴ :|| yet sb'ulanil konob' Xeeq'a', chikankan jaxka ti':

“xijan u Y mulnahil tet anima yalixhto sq'inal yin smulna yin ya'tajil chi'ok syaab'il yu stzajanil sq'inal k'al yeytej yib' sq'inal yu. Majtxekel chi'a'on mulna unin yin mulnahil kaw ya'taj ma kaw xiwil tit skamichal ma chiya'b'i'ey yu, yu tol kaanxa mulnahil tol sjowalil chistoolanen yin kaab' ma kaneb'oj aab'il yu te' k'al stoolanen junk'al ma kaawinaj mil ch'en tumin yu smul tu'.

Xijan. . ·| Chik'exmo'aaj sb'i jun sb'i III yet an juun II yet wa'neb'alb'ahil chi'ilontoj jowal chejb'anil :||| – ∴ :|| sb'ulanil konob' Xeeq'a', chikankan jaxka ti':

Xijan. . | Chik'exmo'aaj sb'i jun sb'i III yet an juun II yet wa'neb'alb'ahil chi'ilontoj jowal chejb'anil :||| - : :|| sb'ulanil konob' Xeeq'a, chikankan jaxka ti':

SB'I : yin sya'ilal yib'antoj sb'ejanil ma swatx'ilal yin sq'inal anima.

Xijan. . | Chik'exmo'aaj jun sb'i jun stujanil 1 yet bihe : yet sjuunal : yet wa'neb'alb'ahil chi'ilontoj jowal, chejb'anil :||| - : :|| sb'ulanil konob' Xeeq'a, chikankan jaxka ti':

STUJANIL 1

Jowal yin jatxwal.

Xijan. . :| Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :||| - : :|| sb'ulanil konob' Xeeq'a, chikankan jaxka ti':

Xijan | : :||. Jatxwal. Majtxekel chi'jatxwa yin smimanil ma yin snaab'al katu' chi'ok mitx'an yin smimanil ma junojxa anima chi'ahoktoj junojxa tzetal yul smimaniltu', ma chi'ujtele yaahoktoj, tol sjowalil chistoolane jun smul yin stoo yul te' waxajeb' ma laakaweb' aab'il.

Yet chi'ok jun sya'ilal ti' yin juna anima yalixhto sq'inal k'amto chilaawi yin kanlajoneb' yaab'il ma eehok syaab'il yin smimanil ma yul snaab'al. Jun stool chitookan yib'an smaasanil k'amxak'al chi'eytej yib' jaxka wanxa mule.

Xijan. . :| Chi'ok jun xijan | : :|| yin jun wa'neb'alb'ahil chi'ilontoj jowal, chejb'anil :||| - : :|| sb'ulanil konob' Xeeq'a, chikankan jaxka ti':

Xijan | : :||. Jowal jatxwal.

Majtxekel chimaq'ok syaab'il ma chistzu', yet chiyiptzen yin mul yetoj junoj anima, tane k'amwal chiyaahok miman mule, tol chistoolane smultu' yul te' jooheb' ma waxajeb' aab'il.

Yet chi'ok jun sya'ilal ti' yin juna anima yalixhto sq'inal k'amto chilaawi yin kanlajoneb' yaab'il ma eehok syaab'il yin smimanil ma yul snaab'al. Jun stool chitookan yib'an smaasanil k'amxak'al chi'eytej yib' jaxka wanxa mule.

Xijan. · || Chik'exmo'aj jun xijan | : || yet wa'neb'alb'ahil chi'ilontoj jowal, chejb'anil :|| - : || sb'ulanil konob' Xeeq'a', chikankan jaxka ti':

Xijan. | : || **Yaa yip stool mule.** Jun stool jun mule chi'ok yu jantaj sya'ilal chiwa'txi jaxka chiyun yalon wan xijan yalantoj tol chi'aa yip yin kaab' ma yox tujan stoolanen smul tu' jatak'al tzet yili mule tu'.

- Yet chi'ok mule yu kaawanoj ma ek'al anima.
- Ta junoj anima yeynajil k'al ichamxa sq'inal, ma ehok syaab'il yin smimanil, yin snaab'al, ma tol mitx'b'il'eyoj yin k'am sb'ejanil.
- ta jun chislok smul tu' yetoj junoj ch'en a'b'al jowal ma te'an ma junojxa jowal an chisq'an yin jun anima yet chiyetnentoj sq'inal .
- yet chi'ok mule yin jeb' ix mimejal ma yet chikankan jeb' ix mimejal yin jowal.
- ta' jun majtxekel chi'ahon'ok sya'ilal tu' ey yu sb'a yetoj jun anima chi'o sya'ilal yin tu' ma ja' chi'a'on skuyu, chisteyneni, yichamil ma yistil, ma eknajle yetoj jun anima tu' ma yikan sb'a jeb' jaxka yalon wa'neb'alb'ahil.
- ta yu junoj majtxekel chi'ok junoj yaab'il yin smimanil yu.
- ta jun chilow smultu' mulnawon yet yaaw, ma mimej kuyu elnajtej yu b'ey chimulnay.

Xijan. . :|| Chik'exmo'aaj sb'i jun stujanil V yet sb'i III yet juun chi'ilontoj jowal, chejb'anil :||| -: :|| yet sb'ulanil konob' Xeeq'a'. Chikankan jaxta ti'.

SB'ULANIL V yin sya'ilal yib'antoj sb'ejanil ma swatx'ilal yin sq'inal anima.

Xijan. . :|| Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :||| -: :|| yet sbulanil konob' Xeeq'a'. Chikankan jaxka ti'.

Xijan | : :|| **Chistx'ox smimanil sataj wanojxa.** Majtxekel chiwa'nen, ma chischejwa'ne junojxa anima mule yetoj junojxa anima sataj anima ma tet jeb' unin, ma tet jeb' anima eehok syaab'il, tol sjowalil chito yul te' oxeb' ma jooheb'oj ab'il.

Xijan. . :|| Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :||| -: :|| yet sb'ulanil konob' Xeeq'a'. Chikankan jaxka ti'.

Xijan | : :|| **Yet chi'iile'ok unin ilo ix b'ey chistx'ox smimanil ma b'ey chitx'oxle yechel ix k'am spichil ey jeb'.** Jun chiwa'nen wanti' tol sjowalil chitoo yul te' oxeb' ma jooheb'oj aab'il.

- Maj chichahon yil speenahil jeb' unin k'al jeb' eehok syaab'il, wan tzetal jak'al icham anima chiske' yiloni.
- Chischahoktoj jeb' yalixhto sq'inal yilon speenahil, jaton jak'al icham anima chiske' yiloni.
- Yalk'al tzet chiyun spoole'el juun b'ey eehok yechel ix k'am spichil yin.
- Yalk'al tzet chiyun schaale yil wan unin peena tzetal yin juun b'ey eehok ix k'am spichil.

Xijan. · ∥ Chik'exmo'aj jun xijan | ∴ ∥ yet wa'neb'ahil chi'ilontoj jowal, chejb'anil ∴∥ -∴ ∥ yet sb'ulanil konob' Xeeq'a', chikankan jaxka ti'.

Xijan | ∴ ∥ . Chi'etneletoj sb'ejanil ma swatx'ilal yin sq'inal anima. Majtxekel chi'a'on swa'ne junoj anima junoj tzetal man yochb'en chiswa'ne, yok jatxan yin ma chi'yaahok sb'a yin k'al yaab'en aw ma yilon échele yet smimanil k'al yetnentoj stz'ajanil sq'inal. Tol sjowalil chitoo yul te' junoj ma oxeb'oj aab'il.

Keyk'alpaxtu' chiyun junoj majtxekel k'am yalon yet yin katu' chismajb'an'ok sb'a yin stujanil tzetal peena chiswa'ne junoj anima jaxkaton juun iib'il'aaj peena tzetal yu, yet jun anima tu' ma yet junoj yikan.

Tol kaab' ma kaneb' aab'il chitoo yul te' ta chispooheltoj wan tzet chismajb'a'ok sb'a yin tu'.

Xijan. · ∥ Chik'exmo'aj sb'i jun stujanil ·| yet sb'i ∴ yet juun ∴ yet wa'neb'alb'ahil chi'ilontoj jowal chejb'anil ∴∥ -∴ ∥ yet sb'ulanil konob' Xeeq'a', chikankan jaxka ti'.

STUJANIL ·| yet mule ma sya'ilal yin jatxwal yin smimanil, snaab'al junoj anima.

Xijan. . :|| Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :|| -: :|| yet sb'ulanil konob' Xeeq'a, chikankan jaxkati'.

Xijan | : :|| Tx'oxon, ya'on yoxtajil jow. Jun etneb'ahil yin junoj anima ichamxa sq'in al stx'oxon, ya'on yoxtajil jowxak'al tol sjowalil chitoo yul te' jooheb' ma laahoneb'oj aab'il yul te' katu' chistoolane jun tumin yin laahoneb' skaawinaj mil ma jook'aloj mil ch'en tumin tu'.

Xijan . :|| Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :|| -: :|| yet sb'ulanil konob' Xeeq'a, chikankan jaxkati'.

Xijan | : :|| Tx'oxon, ya'on yoxtajil jow. Wan mule xb'inale yin jun xijan yalontoj tol chi'a yip titi' yin yox tujanto tet, jaxkato yin wan ti'.

- Ta' ja' yet x'eetaj tu' mimejalle.
- Ta' jun majtxekel chi'ahon'ok sya'ilal tu' ey yu sb'a yetoj jun anima chi'o sya'ilal yin tu' ma ja' chi'a'on skuyu, chisteyneni, yichamil ma yistil, ma eknajle yetoj jun anima tu' ma yikan sb'a jeb' ma sman.
- Ma tol chaaxak'al yet chiyalon junoj tzetal.

Xijan. . :||

Chik'exmo'aj jun xijan | : :|| yet wa'neb'alb'ahil chi'ilontoj jowal, chejb'anil :|| -: :|| yet sb'ulanil konob' Xeeq'a, chikankan jaxkati'.

Xijan | : :|| Stool wa'neb'al yoxtajil jeb' unin. Majtxekel ja' ey ma ey wanojxa anima chiyalte'ok wa'nen mule yetoj junoj unin tet junojxa anima jaxka tu' chiyi' stumin ma junojxak'al tzetal yin. Ta Chiyun yu ma k'amaj tol sjowalil chitoo yul te' jooheb' ma waxajeb' aab'il, k'amxak'al chi'eytej yip.

Xijan. · ∷

Chi'otoj xool jun xijan | ∷ ∷ yet wa'neb'alb'ahil chi'ilontoj jowal, chejb'anil ∷∷ -∷ ∷ yet sb'ulanil konob' Xeeq'a' chikankan jaxka ti'

Xijan | ∷ ∷ *stool stx'oxon, ya'on yoxtajil.* Majtxekel ja' ey ma ey wanojxa anima chiyalte'ok wa'nen mule yetoj junoj unin tet junojxa anima jaxka tu' chiyi' stumin ma junojxak'al tzetal yin. Ta chiyun yu ma k'amaj tol sjowalil chitoo yul te' oxeb' ma jooheb' aab'il

Xijan. ∷

Chik'exmo'aaj jun xijan | ∷ ∷ yet wa'neb'alb'ahil chi'ilontoj jowal, chejb'anil ∷∷ -∷ ∷ yet sb'ulanil konob' Xeeq'a' chikankan jaxka ti'.

Xijan | ∷ ∷. *Swa'txi'eltej juun yet unin b'ey chitx'oxle smimanil jeb' yin speenahil.* Majtxekel chiwa'nen'aaj junoj juun ma junojxa tzetal yetoj sq'inal jeb' unin b'ey chiq'il smimanil ma yul nuq'e yin speenahil tol sjowalil chitoo jeb' yul te' wajeb' ma laahoneb'oj aab'il ma stoolanen jun tumin yin laahoneb' yoxkal ma jooheb'oj jook'al mil.

Xijan. ∷ .

Chi'oktoj xool jun xijan | ∷ ∷∷ yet wa'neb'alb'ahil chi'ilontoj jowal, chejb'anil ∷∷ -∷ ∷ yet sb'ulanil konob' Xeeq'a' chikankan jaxka ti'.

Xijan | ∷ ∷∷. *Yet chitxonle ma chipoole'eltoj peena tzet yetoj sq'inal jeb' unin.*

Majtxekel chipoon'el, chiswa'ne'aaj yiilhon'ek ma stxonon'ek junoj peena échele yet jeb' unin ma junoj jeb' eehok syaab'il tol sjowalil chitoo yul te' wajeb' ma waxajeb'oj aab'il k'al stoolanen jun laahoneb' skaawinaj mil tumin ma jooheb' jookal mil tumintu'.

Xijan. ∷ ∷

Chi'oktoj xool jun xijan yox | ∷ ∷∷ yin jun wa'neb'alb'ahil chi'ilontoj jowal, chejb'anil ∷∷ -∷ ∷ yet sb'ulanil konob' Xeeq'a', chikankan jaxka ti'.

Xijan yox. | ∷ ∷∷ *iib'il'aaj juun echele peena yili yu yet jeb' unin.*

Majtxekel ootajen katu' chiyiilhon'ek yetoj juun peena echele ehok yin tol sjowalil chitoo yul te' kaab' ma kaneb'oj aab'il.

Xijan. : :

Chi'oktoj xool jun xijan skan | : : ||| yin jun wa'neb'alb'ahil chi'ilontoj jowal, chejb'anil :||| -: :|| yet sb'ulanil konob' Xeeq'a', chikankan jaxka ti'.

Xijan skan | : : ||| . Yet chiq'anb'anile elaw tzetal yet chitx'onle smimanil jeb' unin yin speenahil. Majtxekel chiwa'nen speenahil jaxka chiyun yalon jun stujanil ti' jaxkaton b'ey chiwa'txi elaw q'in, tol sjowalil chitoo yul te' wajeboj ma laahoneboj aab'il k'al stoolanen jun jook'al mil ma jooheb' jook'al mil tumin.

Xijan. : :

Chi'oktoj xool jun xijan sjo' | : : ||| yin jun wa'neb'alb'ahil chi'ilontoj jowal, chejb'anil :||| -: :|| yet sb'ulanil konob' Xeeq'a', chikankan jaxka ti'.

xijan sjo' | : : ||| stujanil sya'ilal kaw jow. Stool wan sya'ilal tz'ib' yeekan yul wan xijan | : : ||| , | : : ||| , | : : ||| , | : : ||| , | : : ||| , | : : ||| skaab' k'al | : : ||| yox. Tol chichib' yin kaab' ma yox tujan stool jun mule ta yalixhto sq'inal jun ok sya'ilal yin tu', kaab'tujantok'al chiyun yaay ta kaw k'amto chilaawi yin laahoneb' aab'il.

Xijan. : |

Chik'exmo'aaj jun xijan | : : :||| yet wa'neb'alb'ahil chi'ilontoj jowal, chejb'anil :||| -: :|| yet sb'ulanil konob' xeeq'a' chikankan jaxka ti'.

Xijan | : : :||| . Yib'antoj stool jun sya'ilal tu'. Jaxka yib'antoj wan syailal tz'ib' yeekan b'ey sb'i e yet juun w yet jun wa'neb'alb'ahil chiyi' b'ey wan ti'.

- Tol chi'ok yin stxolil yu yaaw b'utomtan jowal jun sya'ilal tu'.
- ∴ jun mimank'ulal b'ey jun anima ok sya'ilal yin tu' ma tet jun chitxoxon'eltoj k'am chich'ib' stoo yin ya'ilal.
- ∴ Jun sseyle'il sya'ilal tu' k'am chiske' yuchchatoj, yoktukanoj.
- ∴ ja' jun snaahil mulnahil chi'ihon b'ey stxolilal konob' chi'ok yin ma chiyaahok sq'aa'al ta tol jun ok sya'ilal tu' yin yalixhto sq'inal ma k'am maj chi'ilontoj yetoj sya'ilal ma k'am chischaale'ey sb'a naab'ale yu jeb' . yuxan tol sjowalil chi'ille yalon yet jeb' unin yin stz'ajanil sq'inal.
- | Ja yaaw yet b'utb'al jowal ja' chi'ihon b'ey stxolilal ta jun anima eknaj sya'ilal k'amwal stumin jun anima tu'
- | jeb' wa'nem'ok yin jowal ja' jeb' chiya' sti' ya'on tzetal ma loob'e jun ek'naj sya'ilal tu' yin ta keytu' chiyun sq'anoni.

Xijan. ∴ | Chik'exmo'aaj jun xijan 198 yet wa'neb'alb'ahil chi'ilontoj jowal, chejb'anil ∴||| -∴ ∴|| yet sb'ulanil konob' Xeeq'a, chikankan jaxka ti'.

Xijan. | ∴ ∴||| **Stool chi'ok stz'ajoj.** Ja' tet jeb' chislok smul jaxka chiyun yalon b'ey sb'i III yet juun II yet wa'neb'ahil chi'ilontoj jowal tol chi'ok stz'aj stoolanen smul jeb' yet xax yun wan chiyal yul wan juun ti' jatonwan ti'.

- 1°. ta' jun chi'ahon'ok jun sya'ilal tu' tx'oj konob'al, yin eymanil chi'ujtele'eltoj yul jun konob' tu' yet chilaawi stoolanen smul tu'
- 2°. ta jun chi'ahon'ok jun sya'ilal tu' ey yijb'en yin jun snaahil mulnahil ma yin junoj txon, tol manajk'al stoolanen wan jun mule tu' yutol chib'utlek'antan jun yalon yet yin jun ijb'en tu' ma yin stxon tu'. Katu' k'amxa chiske' smulna'ok yin tzet chiswa'ne tu' kaab' tujan jaxka yelok' apnoj smul xax stoolane.
- 3°. Ta' jun chi'ahon'ok jun sya'ilal tu' chi'ekb'anaxk'al'el yuk'al ey junoj yijb'en ma ey skuyu, tol chistoolane yin yet chi'ek'kan smulnahil, machixewi jatak'al ja' jantaj aab'il b'etnaj'ek yul te' yutol kaab' tujanxa chiyun yaa tet.
- 4°. yetojk'al stoolanen smul tol chi'ok stz'aj ta jun mule tu' junoj ey skuyu kaw chi'ek'b'anaxk'al'ek' yib'an ma yetnen junoj anima.

Xijan. : |

Chi'oktoj xool jun xijan p w yox yin jun wa'neb'alb'ahil chi'ilontoj jowal, chejb'anile :|| - : :|| yet sb'ulanil konob' Xeeq'a' chikankan jaxkati'.

Xijan || : **yox tzet chiyun yilletoj anima.** Tol muley et chi'iiletoj, mitx'le'aj, chaale junoj ma ek'alaj anima yet chi'etnele ma chitxonley. Majtxekel chiwa'nen jun mule ti' tol chitoo yul te' waxajeb' waxajlaahoneb' aab'il yul te' katu' chistoolanen jun tumin yin oxeb' jook'al mil ma jooheb' jook'al mil tumin.

K'amk'al chiske' yok miman k'ulal yib'a yu jun ek sya'ilal tu' yin k'al yu jun chi'i ihon b'eyoj.

Jaxka yib'antoj sya'ilal yet chitx'onle' anima, tol ja' yet chi'etnele anima: yet chitxonle jeb' ix ix yet chiswa'nen speenahil, jatxwal, mulnahil kaw ya'taj yin etnek'ulal, yet chitx'onle jeb' yet chi'iile'eltej yul sk'ul junoj anima katu' chitx'onle, yet chikuyle jeb' unin yin swa'nen speenahil, yet ewantaj chitxonle' junoj unin yu smam, nupil yin jowaltaj, mimejal yin jowaltaj.

Xijan: : :

Chi'oktoj xool jun xijan p w yin skan, wa'neb'alb'ahil chi'ilontoj jowal, chejb'anil :||| – : : || yet sb'ulanil konob' Xeeq'a' chikankan jaxka ti'.

Xijan || : yin skan. Stool yet chitx'onle anima.

Majtxekel chitx'onon ey junojxa anima yu junoj tzetal chiyetne anima jaxka yin mule, chiyalte' tumin tet yet chismonteni, tol chitoo yul te' wjaeb' ma waxajeb'oj aab'il.

Jun stool chib'inale yalontoj chi'aay ta jowxak'al jun mule tu' yin jun anima yalixhto sq'inal yin kanlajoneb' aab'il keyk'alpax tu' takaw yalixh yin laahoneb' aab'il.

Xijan. : :

Chik'exmo'aaj jun xijan || : yet wa'neb'ahil chi'ilontoj jowal, chejb'anil :||| – : : || yet sb'ulanil konob' Xeeq'a' chikankan jaxka ti'.

Xijan || : . Miman mule. Wan mule xb'inale yin wan xijan yalantoj tol chichib' stool jeb' ta chiyun wan ti'.

1. ta jun elq'an anima ma jun mitx'wal chi'ektoj yin oxeb'oj k'u.<
2. ta yet chi'ok jun mule tu' xiwilxak'al chikami, kaw chi'etnele.
3. Ta jun mule tu' kaawan anima chiwa'neni.
4. Ta chixib'tele jun anima tu' yet chi'etnele.

Ta jun anima chi'ek sya'ilal tu' yin chi'etaxkantoj snaab'al.

ta stool mule chib'inale yin wan xijan | : : ||. | : : ||. | : : || yin skaab' | : : ||. | : : || yin skaab', | : : || yin yox, | : : || yin skan, || : yin yox k'al yin skan, jun stool chich'ib yin yox tujan ta chi'uhi'el wan ti'.

- a. Chi'ok jowal yin
- b. Ewan nupil, kexletoj junoj unin yetoj junojxa, xijb'al alilal, b'utletan junon nupab'ahil.
- c. Ta jun chi'ahon'ok mule yin tu' eehok syaab'il ma tol ichamxa.
- d. Ta jun chi'aahon'ok jun mule tu' ey yu sb'aa yetoj maa ja' chi'a'on kuywoj, chiteyneni, yistil ma yichamil ma ey yu sb'a yetoj smam stxutx.
- e. Ta jun chi'ahon'ok mule tu' chisq'an julb'al k'am anima ma junoj tzetal, ma an ma junojxak'al tzetal chi'etnentoj sq'inal jun anima tu'.
- f. Ta jun chi'ok mule tu' yin mimejal.
- g. Ta jun chi'ahon'ok jun mule tu' mulnawom yet yaaw.

Wan stool wanti' chich'ib' jeb' yin yox tujan ta chiyun jaxka chiyun yalon b'ey xijan || · k'al || ∴, ta yalixhto sq'inal jun anima chi'ok mule tu' yin yin waxajlaahon aab'il ma laawinajxa yin kanlajoneb' aab'il, ta yalixhto yin kanlajoneb' ma yin laahoneb' aab'il tol chi'ok yin jun stool yin yox mas kan tujan. Ta kaw yalixhtoxin tol chich'ib' yin kaab' kaab'el.

Xijan. : ||

Chik'exmo'aj jun xijan ·|| || yet wa'neb'alb'ahil chi'ilontoj jowal, chejb'anil :||| - : :|| yet sb'ulanil anima konob' Xeeq'a' chikankan jaxka ti'

Xijan. ·|| :|| *Etz'e ali yune'*

Majtxekel chiyetz'e yok mimejal, ma yetz'en aloj yune' tet ma tet junojxa anima tol sjowalil chitoo yul te' oxeb' ma jooheb'oj aab'il yul te' katu' chiya'on jun tumin yin laahoneb' ma jook'al mil.

Naj anwom, mulnawom yet snaahil anwal ma sik'om unin chik'olwa'ok yin jun etz'e alilal tu', yet chixew stoolanen jeb' smul tu' chixew jeb' yin smulnahil jatak'al ja' jantaj xax stoolane jeb'.

Xijan. : ·||

Chik'exmo'aaj jun xijan ·|| :||| yet wa'neb'alb'ahil chi'ilontoj jowal, chejb'anil :||| - : :|| yet sb'ulanil konob' Xeeq'a' chikankan jaxkati'.

Xijan. ·|| :||| Yet chik'exletoj junoj unin yetoj junojxa.

Majtxekel chik'exojtoj junoj unin lalanto yali yetoj junojxa, tol sjowalil chitoo yul te' waxajeb' ma laahoneb'oj aab'il k'al stoolanen jun tumin yin jook'al ma jooheb' jook'al mil.

Xijan. : :||

Chik'exmo'aaj jun xijan :|| Pyet wa'neb'alb'ahil chi'ilontoj jowal, chejb'anil :||| - : :|| yet sb'ulanil konob' Xeeq'a' chikankan jaxkati'

Xijan :|| ☉ *Yet chib'utletan ma yuchletoj junoj stxolilal sq'inal anima.*

Tol sjowalil chitoo yul te' jooheb' ma waxajeb'oj aab'il k'al stoolanen jun tumin yin jook'al ma jooheb'oj jook'al mil. Majtxekel.

1. Xijb'al q'ane chiyun stz'iben junoj anima, ma yuchuntoj sq'inal junojxa tak'alta yootajle katu' chiswa'neni.
2. Yewb'an'el jun yune' ma sk'aal tol yochb'en chitanel yalon yet k'al yuchchatoj sq'inal.
3. Tz'ib'ele ma ya'on tz'ib'oj junoj unin man txekeloj yeey, ma yaahontoj sjuunal unin yin leeq'ti'al.

Junoj naj mulnawom yet yaaw ootajnen wan ti' katu' chiswa'neni, tol sjowalil chitoo yul te' wajeb' ma laahoneb'oj aab'il katu' chi'el kan yin smulnahil.

Xijan. : ::||

Chi'oktoj xool jun xijan :|| . skaab' yet wa'neb'alb'ahil chi'ilontoj jowal, chejb'anil :||| - : :|| yet sb'ulanil konob' Xeeqa'a' chikankan jaxkati'

Xijan :|| . skaab', saaletoj unin yin ewantaj. Majtxekel chiyoche chisaale junoj anima tet chiyalte'ok tumin ma junojxa tzetal yet watx' chi'a'le ey, taka'al ta' k'am chiyun yu, tol sjowalil chitoo yul te' oxeb' ma jooheb'oj aab'il katu' chistoolanen jun tumin yin junk'al ma jook'al mil. Wan stool chi'ok jaxkak'al mule.

Xijan. : ::||

Chi'oktoj xool jun xijan :|| . yin yox yet wa'neb'alb'ahil chi'ilontoj jowal, chejb'anil :||| - : :|| yet sb'ulanil konob' Xeeqa'a' chikankan jaxka ti'.

Xijan :|| . yox . stxolilal chiyun saale jun unin. Jeb' mulnawom tol yootaj'el stxolilal tzet chiyun saale junoj unin, katu chiswa'nen yin ewantaj yetoj junojxa juun yin ewan ma stz'ib'eni ma yuchontoj sq'inal junoj unin tol sjowalil chitoo yul te' wajeb' ma laahoneb'oj katu' stoolanen jun tumin yin laahoneb' yoxkal mil ma jook'al mil.

Xijan. : ||

Chi'oktoj xool jun xijan || . yin skaab' yet wa'neb'alb'ahil chi'ilontoj jowal, chejb'anil :||- : :|| yet sb'ulanil konob' Xeeqa'a' chikankan jaxka ti'.

Xijan || . skaab'. Majtxekel iinen'aaj smimanil ma stxanil yul sk'ul junoj anima.

Majtxekel chiyaahoktoj sb'a xool peena tzetal jaxka yin yiihon'ek smimanil ma stxanil yul sk'ul junoj anima yin yikisal ma yet kamnaxa,tol chitoo yul te' jooheb' ma laahoneb'oj aab'il.

Xijan. : ·||

Chik'exmo'aaj jun b'is ÷ . Yet xijan I yet stujanil jun wa'neb'alb'ahil chi'ilontoj jowal, chejb'anile :||- : :|| yet sb'ulanil konob' Xeeq'a' k'al k'exk'itajil, chikankan jaxka ti'

÷. Yu jowal, yin smimanil, yin snaab'al ma yin stz'ajanil sq'inal, jun yin smimanil ti' ja' jaxka yetchijutxle'ekoj ma chiyija', jun yin snaab'al ja' yet xiwail chi'a'le yin sq'inal, ma chixiptele katu' chi'etaxtoj snaab'al, yeytej yip k'al yuchchatoj stzajanil sq'inal, yeetaxi sbaa'le'eloj, yek'b'an'el jeb' yib'an, yetnele, sb'uchle, yintajnele'el yin q'anon ch'en tumin k'al junojxa tzetal. Keyk'alpax tu' yet chi'a'le weyaj, ma junoj xajte' anb'al tet yet chik'eyel snaab'al.

Xijan. : :||

Chi'oktoj xool stujanil wa'neb'alb'ahil chi'ilontoj jowal, chejb'anil :||- : :|| yet sb'ulanil konob' Xeeqa'a' jun xijan ·| chikankan jaxka ti'.

Xijan ·|

Wan mule chiyun yin sq'anle anima yalixh sq'inal yin mulnahil kaw ya'taj katu chiyetnen sk'ul k'al stz'ajanil sq'inal, ma eyjunojjuun eehok yechel smimanil yin speenahil chitx'onle'ek'oj. K'al yelq'an anima smaq'onkan'ok syaab'il, xijon mimejal sb'a, ma k'exojontoj junoj unin yetoj junojxa, yetnentoj sq'inal junoj anima, ewan chisaahek unin yet chitx'onley yin mule, stool wan mule kaw k'amk'al mimank'ulal yin jeb'.

► SB'I |

STXOLILAL STOOLAN YET CHITXONLE ANIMA.

Xijan. : ∷ Stool mule, swatx'ilal tet jeb' oknaj sya'ilal yin.

Majtxekel mitx'bil'ey yu mule yin txono anima stol sjowalil chistoolane jeb' smul tu' ya'on watx'ilal tet jun anima tu' jaxkaton stool yiltojoj yu anwom, yanten sb'a yin smimanil yin snaab'al ma yin stumin chisk'ella'. Tak'alta' jun anima ek' sya'ilaltu' yin k'am tzet chiyaahok' sq'aa'al ma maa sq'an swatx'ilal tu' ma tol sq'inal, sjowalil k'alta chi'a'le.

Ta Xkam jun anima tu' yu sya'ilal jaxa yuninal chichaahonkan jun swatx'ilal tu'.

Xijan. : ∷ Stxolil chiyun stxeklo' aaj ilb'al yin mule.

Ja' txolilal chiyun tx'oxle'aj junoj mule xyune jaxka chiyun yalon jun wa'neb'alb'ahil ti', ja' naj ma ix wa'nem yee jowal sjowalil chiyiltojoj yalon yet jun anima eknaj jowal ma sya'ilal yin sq'inal jaxka tu' chiwatx'i'ok yin yin eymanil.

Xijan. : ☉ Yokb'al yin stxolilal jun wa'neb'alb'al yib'antoj sya'ilal yin txono anima.

Jaxka yochb'en junti' yet chisseyle'il junoj mule yib'antoj txono anima, sjowali chi'ok yin stxolilal stoolanen jeb' smul tu' tak'al txenne ma jowxak'al jun mule tu' jaxka chiyun yalon jun wa'neb'alb'ahil ti' yib'antoj jowal ma sya'ilal chiyal jun chejb'anil . . - | ☉ y yet sb'ulanil anima konob' Xeeqa'.

Xijan. : . ja' yet chi'ok sq'aa'al junoj mule chi'ok jaxka yin txono anima.

Stxolilal sq'aa'al junoj mule yin anima jaxka chiyun yalon jun wa'neb'alb'ahil ti', tak'al jowxak'al ma txenne tol sjowalil chijije jun wa'neb'alb'ahil yet yeekanoj.

SB'I · |

STEYNELE JEB' CHIYA'B'ANE SB'A YIN JUN SKOLWA YIN JUN MULE TXONO ANIMA.

Xijan. ∴ : Wa'neb'alb'ahil chi'ok yin stxolilal.

Tzet chiyun steynele jeb' chiya'b'ane sb'a yin jun mule ti' tol chi'ok yin stxolilal jun chejb'anil e p-rY yet sb'ulanil konob' Xeeq'a', wa'neb'alb'ahil chiteynen chi'i ihon b'ey stxolilal jun sya'ilal yin txono anima.

Xijan. ∴ : Yaaw ey yalon yet yin.

Ja' yaaw chiteynen konob' Xeeq'a' k'al yaaw chiteynen jeb' chi'oktej ma chi'eltoj yul konob' yetoj yaaw chib'uton jowal, sjowalil chiya'a' ma yiihonb'ey seyle yikan anima ma swatx'il anima jun jow ya'on sya'ilal tu' yin k'alpax yet junoj chiya'b'ane sb'a yin xiwil stit sya'ilal yin sq'inal. Tol sjowalil chi'iille b'ey wan ti' yetoj snaahil mulnahil yul konob' Xeeq'a' ma junojxa mimej konob'.

Xijan. ∴ ∴ Steynele wan anima ey yu sb'a yetoj jun eehok yin sya'ilal

Ta yet chi'iille b'ey stxolilal jun sya'ilal yin txono anima, jeb' yaaw sjowalil chisseyle wan anima ey yu sb'a yetoj jun eknaj sya'ilal yin tol xiwil chitoo jeb' xool sya'ilal katu' chiteynele jeb' jaxka chiyun yalon jun chejb'anil ∴ ∴ ∴ yet sb'ulanil konob' Xeeq'a'.

Wan animati' tol chiteynele jeb' masanto chiwatxi'ok yin jun sya'ilal tu'.

Ta tx'oj konob'al eetoj jeb' yaaw ey yalon yet yin tol eymanil chiyal jeb' yab'e tet jeb' yaaw yet junxa konob' tu' jaxkata tu' chiteynele.

Xijan. : | Ey yalon yet yalle yab' yuninal ma swatx'ilal anima.

Jun anima eknaj sya'ilal k'al jun chiya'b'ane sb'a yin txono anima ey yalon yet yalle tet smam stxtutx, yunil ma swatx'ilal anima.

Xijan. : ·| Yaloni.

Ja' wan tzet chiyal jeb' chiya'b'ane sb'a yin tol chi'ok jeb' yin stxolilal yin echele yin ch'en etz'b'al yin yelalil ta keytu' chiyun sq'anon jun sya'ilal tu'. K'al sseyle junoj chiya'b'ane sb'a yin ta tx'oj konob' eytoj. Yin wan ti' k'am chistx'oxle jun ek'naj sya'ilal tu' yil jeb' ta yalixh sq'inal.



STXOLILAL CHIYUN SWATX'I'AAJ


Xijan. : :| Stxolilal yaatz'ib'al yib'antoj jowal, sya'ilal yin jatxwal, etnen anima k'al txonom anima.

Jun yaatz'ib'al Stxolilal yaatz'ib'al yib'antoj jowal, sya'ilal yin jatxwal, etnen anima k'al txonom anima, sjowalil chiswa'ne'aaj sjuunal jun wa'neb'alb'ahil yin jun oxkal k'u yet chi'ok yin stxolilal.

Xijan. : :| Stuminal.

Ja' yaaw chi'ilon tzet chiyun sk'eyle'el stumin konob' Xeeq'a' chiswa'ne'aaj junoj b'ey chitit tumin yet aab'il | ④ :| tane man txenne'oj yin jooheb' millón, yet chiq'anle yin jun yaatz'ib'al Stxolilal yaatz'ib'al yib'antoj jowal, sya'ilal yin jatxwal, etnen anima k'al txonom anima, tol ja' joj'ilontoj yok jun wa'neb'alb'ahil yin stxolilal. Yin jun tumin ti' chi'okkantoj stumin swatx'ihaaj sq'inal junoj anima x'ek sya'ilal yin. Jun tumin chikankan tet jun x'ek sya'ilal yin sq'inal tu' ja' yaatz'ib'al joj'ilon tzet joyyun sq'anley.

B'ey chitit stuminal jun xijan ti' jatu' chitit yin stumin konob' smaasanil.



CHI'AALETOJ B'EY JEB' YAAW CHI'IIHON B'EY
WA'NEB'ALB'AHIL, YET SJIJELE, SPOOLE'ELTOJ K'AL
YAALE'ELTOJ.

AAB'IL'ELTEJ YU YAAW WA'NEM WA'NEB'ALB'AHIL YUL
KONOB' XEEQ'A' YET WAXAJLAAHON K'U YUL X'AAW
FEBRERO YET AAB'IL III ④ IIII .



